
COMUNICADO DA XERENCIA

NIVEIS DE RISCO DOS GRUPOS VULNERABLES, ESTABLECIDOS POLAS AUTORIDADES SANITARIAS, FRONTE AO CORONAVIRUS SARS-COV-2

En data 30 de xuño de 2020, o Servizo de Prevención de Riscos da Universidade remite á xerencia o informe do especialista en medicina do traballo, do departamento médico do servizo de vixilancia e saúde co seguinte contido:

“Nas instrucións do 15 de abril de 2020 a Dirección Xeral do Instituto Nacional de la Seguridad Social (INSS) indicaba que procedía emitir partes de baixa a aqueles traballadores que presenten condicións de saúde que lles fixese máis vulnerables á COVID-19 e nas que, a pesar das medidas de prevención, adaptación e protección establecidas, as condicións de traballo non lles permitían efectuar o seu labor sen elevar o risco para si mesmas.

Ante a evolución da situación epidemiolóxica, o 01 de maio de 2020 o INSS en coordinación co Mº de Sanidade emitiu o documento “*Actualización en la emisión y transmisión de partes de incapacidad temporal en el caso de trabajadores especialmente sensibles (TES) y de partes de procesos COVID19 intercurrentes con otros procesos de IT por distintas patologías*”. En referencia á IT dos traballadores especialmente sensibles (TES) por vulnerabilidade sinalaba con respecto á duración destes procesos que “en consonancia co Plan para a transición cara á nova normalidade do Mº de Sanidade parece razoable revisar estes procesos de incapacidade temporal no momento de desenvolvemento do final da fase II e inicio da fase III, para a finalización destes procesos de IT dos TES.”

O 17 de xuño o INSS volve emitir “*Instrucciones aclaratorias relativas a los procesos de Incapacidad Temporal emitidos a los trabajadores especialmente sensibles por especial vulnerabilidad frente al coronavirus SARS-CoV-2*” onde especifica que os procesos de Incapacidade Temporal dos TES deberán revisarse canto antes na medida en que se considera

que, coas medidas adoptadas nos centros de traballo en cumprimento da Real Decreto Lei 21/2020, o risco nos mesmos será similar ao risco comunitario, que nestes momentos considérase baixo ou moi baixo.

Por tanto, tal e como establece o “*Procedimiento de actuación para los servicios de prevención de riesgos laborales frente a la exposición al SARS-CoV-2*”, esta situación conleva continuar coa actividade laboral habitual, sen adaptacións específicas nin cambio de posto, xa que un risco similar ao risco comunitario é o nivel de risco 1 (NR1) do Anexo V do citado Procedemento, e neste nivel de risco todos os traballadores vulnerables poden traballar coas mesmas medidas preventivas que o resto dos seus compañeiros non vulnerables.”

Polo exposto, comunícase que todo o persoal de administración e servizos (PAS) e o persoal docente e investigador (PDI) incluídos nos grupos vulnerables ao Covid-19 teñen a consideración de nivel de risco 1 (NR1), polo que poden continuar coa actividade laboral habitual, sen adaptacións específicas nin cambio de posto, coas mesmas medidas preventivas que o resto do persoal non vulnerable, sen prexuízo das modificacións ou novas medidas que poidan adoptar as autoridades sanitarias.

Vigo, 2 de xullo de 2020

A xerenta

(documento asinado dixitalmente)